

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- उपराज्यपाल मनोज सिन्हा होरें इक टिकाऊ भविष्य लेई नमिणं काहडें गी बढावा देने ते विज्ञान, टेकनालजी ते ज्ञान दे आदान-प्रदान पर जोर दित्ता ऐ।
- उपराज्यपाल मनोज सिन्हा होरें कश्मीर हाट च श्रीनगर विरासती उत्सव च शिरकत कीती ते आखेआ जे कारीगरें ते लोक कलाकारें दा हित उन्दा पैहला उद्देश्य ऐ।
- सेहत मंत्री सकीना इत्तू होरें जम्मू-कश्मीर च अंतरराष्ट्रीय महिला दिवस गितै तैयारिणं दी समीक्षा कीती ते आखेआ जे महिलाएं दिणं उपलब्धिणं गी मानता दित्ती जानी लोडचदी।
- सूचना प्रौद्योगिकी मंत्री होरें तकनीकी सशक्तिकरण ते समर्थ निर्माण गितै सरकार दे धेइए गी फही पक्का कीता ऐ।
- जम्मू-श्रीनगर राष्ट्रीय जरनैली सड़क गड्डिणं दी आओजाई लेई अजे बी बंद, ट्रैफिक पुलसै खराब मौसम ते सड़कै दी हालत गी दिखदे होई लोकें गी जरनैली शिड़कै पर सफर नेई करने दी सलाह जारी कीती ऐ।

<><><><><><>

LG Seminar

उपराज्यपाल मनोज सिन्हा होरें कल राष्ट्रीय विज्ञान दिवस दे मौके पर श्रीनगर च कश्मीर यूनिवर्सिटी च आयोजित इक सेमीनार गी संबोधित कीता।

इस मौके पर उपराज्यपाल होंरें मन्ने-परमन्ने दे साईसदान ते नोबल पुरस्कार कन्नै सम्मानित सर सी.वी रमन होंरेंगी नमन कीता। अपने संबोधन च उपराज्यपाल होंरें साईस ते टेकनालजी च नमियें इजादें गी बढावा देने पर बल दित्ता। एहदे कन्नै गै उनें टिकाऊ भविक्ख लेई नवाचार ते ज्ञान दे आदान-प्रदान दी महत्ता गी बी उजागर कीता। दुनिया भरै च तकनीकी उपलब्धियें बारै बोलदे होई उपराज्यपाल होंरें प्रदेश दी सब्बनें यूनिवर्सिटिएं गी आर्टिफिशल इंटेलीजेंस लैब कायम करने दा आह्वान कीता तां जे शोद्ध ते नवाचार च नमें मानक कायम कीते जाई सकन। इस मौके बोलदे होई उपराज्यपाल होंरें आखेआ।

<><><><><><>

LG Heritage Festival

उपराज्यपाल मनोज सिन्हा होंरें कल कश्मीर हाट च श्रीनगर विरासती उत्सव “Soan Meeraas” च शिरकत कीती। अपने संबोधन च उपराज्यपाल होंरें आखेआ जे एह उत्सव साहूडी अनौखी ते बन्न-सबन्नी सांस्कृतिक विरासत दा सम्मान करने दे कन्नोकन्नी साहूडे महान कारीगर, लोक कलाकार ते लखारियें दे कम्में ते उपलब्धियें गी चेत्ता करने दा इक खास मौका दिंदा ऐ। उनें आखेआ जे कारीगर समुदाय ते लोक कलाकारें दी भलाई बेहतरी उंदा पैहला उद्देश्य ऐ। इस मौके एल.जी होंरें आइकानिक वुमन ऑफ जेएण्डके नां दी कताब बी जारी कीती। एहदे अलावा एल.जी होंरें विरासती महोत्सव च हिस्सा लै करदे विद्यार्थियें ते कलाकारें गी बी सम्मानित कीता।

एहदे शा पैहले उपराज्यपाल होंरें रिवायती ग्रां ते आर्ट गैलरी दा दौरा लाया ते बक्ख-बक्ख सांस्कृतिक गतिविधियें ते खेडुं सरबन्धी प्रदर्शिनियें गी दिक्खेआ। श्रीनगर विरासती उत्सव च शिरकत करदे होई उपराज्यपाल होंरें आखेआ।

<><><><><><>

Sakeena Women's Day

सेहत ते मेडिकल शिक्षा मंत्री सकीना इतू होंरें पूरे जम्मू-कश्मीर च बक्ख-बक्ख खेत्तरें च महिलाएं दे योगदान गी पंछानने ते इसी उजागर करने दी महत्ता पर जोर पाया। एह गल्ल मंत्री होंरें कल सिविल सचिवालय च 8 मार्च गी मनाए जाने आहले अंतरराष्ट्रीय महिला दिवस दी पछौक्कड़ै च लगगी दी इक बैठक दी अध्यक्षता करदे होई आक्खी। मंत्री होंरें इस गल्लै पर जोर देइयै आखेआ जे आम जनता च बक्ख-बक्ख खेत्तरें च महिलाएं आसेआ दित्ते गेदे अनमुल्ले योगदान गी उजागर करदे दी लोड ऐ। उनें अधिकारियें गी हिदायत दित्ती जे महिलाएं दे सशक्तिकरण लेई पैहलकदमियें गी बढ़ावा देन ते सरकार आसेआ पुट्टी गेदियें गैह बारै उनेंगी जानकार बनान।

<><><><><><>

Rana Deligation

जल शक्ति मंत्री जावेद अहमद राणा होंरें पुंछ जिले दे मेंढर च लोकें तगर पुज्ज बनाने आहले इक आउटरीच कैंप दा सरिस्ता कीता जित्थे बड़ी मती गिनतरी च प्रतिनिधिमंडलें ते लोकें अपनी दिक्कत परेशानियें गी पुट्टेआ। मंत्री होंरें लोकें आसेआ पुट्टे गेदे पानी सप्लाई दे मसले, सेहत सरबंधी सहूलतें दी उपलब्धता, प्रधानमंत्री आवास योजना ग्रामीण दी अमलावरी ते जनजातीय समुदाय दी भलाई बेहतरी सरबंधी मसलें गी सुनेआ ते इन्दे तौले शा तौले नबेड़े लेई सरकार दी बचनबद्धता गी उजागर कीता। तोआई, मंत्री होंरें अपने दौरे दौरान मेंढर च कसाब ते मलिकपुर च 2 पानी सप्लाई सरबंधी स्कीमें दा बी उद्घाटन कीता। जल जीवन मिशन तैहत कसाब च एह योजना 3 करोड़ 25 लक्ख रपे जिस्सलै के मलिकपुर च 5 करोड़ 45 लक्ख रपे दी लागत कन्नै तोढ चाढी गेई ऐ।

<><><><><><>

IT Min Conference

जम्मू-कश्मीर सूचना प्रौद्योगिकी मंत्री सतीश शर्मा हुंदे मार्गदर्शन हेठ आयोजित नमिएं उभरदिएं तकनीकें बारै लोआए गेदा 2 रोजा छमता निर्माण कार्जक्रम कल जम्मू च सम्पन्न होई गेआ। इस मौके मंत्री होंरें आखेआ जे

इस खेत्तर दे विकास ते सार्वजनिक सेवा बेहतर ढंगै सिर उपलब्ध करोआना यकीनी बनाने लेई नमिएं तकनीकें गी अपनाना ते उन्दे कन्नै वाकफ होना बड़ा जरूरी ऐ। सतीश शर्मा होरें तकनीकी सशक्तिकरण ते छमता निर्माण गी लेइयै जम्मू-कश्मीर सरकार दे धेइये गी पक्का कीता। 2 रोजा इस कार्जक्रम दा सरिस्ता जम्मू-कश्मीर दे सूचना टेकनालजी मैहकमे ते बाधवानी गुप आसेआ सांझे तौरा पर कीता गेदा हा।

<><><><><><>

Transport Minister

ट्रांसपोर्ट मंत्री सतीश शर्मा होरें प्रयागराज च आयोजित महाकुम्भ दे बाद उत्थूं दे पवित्र घाटें गी साफ करने लेई जम्मू थमां इक्क विशेष बस सेवा गी झंडी दस्सियै रवाना कीता। इस मौके बोलदे होई उनें आखेआ जे विजन खास मौके दे बी अपने आहले-दोआले दा ध्यान रक्खना बड़ा जरूरी ऐ। उनें दस्सेआ जे प्रयागराज च महाकुम्भ आहली थाहरें बक्ख-बक्ख घाटें पर सफाई कीती जाग। मंत्री होरें जम्मू-कश्मीर सड़क ट्रांसपोर्ट निगम दी नां छड़ी प्रयागराज लेई बस सेवा शुरू करने सगुआं घाट साफ करने गितै इस नेक शुरूआत लेई बी सराहना कीती।

<><><><><><>

JMC

जम्मू नगर-निगम दे सेहत ते स्वच्छता सीगे दे जायंट कमिशनर अब्दुल सत्तार होरें कल इक गैर सरकारी संगठन “उदघोष फाउंडेशन“ आसेआ अंतरराष्ट्रीय महिला दिवस दे सिलसिले च आयोजित इक बाइकर्स एक्पीडीशन गी झंडी दस्सियै रवाना कीता। इस एक्पीडीशन च कुल 30 महिला बाइकर न जेड़ियां मोटर सैकलें पर सोआर होइयै कठुआ कोला लेइयै पुंछ तोड़ी बन्ने कन्नै लगदे इलाकें च जाइयै लोकें गी नशाखोरी दे

माडे असर बारै जागरूक करंगन ते कन्नै बन्नै पारा नशीले पदार्थे दी तस्करी गी रोकने गितै बी लोकें गी सौहगा सतर्क रौहने लेई प्रेरित करंगन। एहदे अलावा एहू बाइकर ग्राएं च जाइयै लोकें गी स्वच्छता संगंध बी चुकाडन ते इस दौरान कठुआ, साम्बा, जम्मू, राजौरी ते पुंछ जिले च कोई साडु 800 किलोमीटर कोला मता सफर तैय करडन।

इनें महिला बाइकरें च चिन्नेई, आंध्रपेदेश, दिल्ली, पंजाब ते राजस्थान थमां आए दे बाइकर बी शामिल न।

<><><><><><>

NHW Closed

जम्मू-श्रीनगर राश्ट्रीय जरनैली सडक एन.एच-44 कल बी पूरी ध्याडी गड्डिएं दी आओजाई लेई बंद रेही, अजे कि सडकै परा मलबा ते कुप्पड हटाने दा कम्म बरोबर जारी ऐ। आकाशवाणी दे जम्मू संवाददाता नै जानकारी दिती ऐ जे वीरवार शामी तेज बरखा दे चलदे रामबन जिले च मेहड कश कई थाहरें ते नाशरी ते नवयुग सुरंगें कश बी मती थाहरें प्हाडें परा कुप्पड पौने ते सडकै पर मलबा किट्टा होई जाने कारण गड्डिएं दी आओजाई बंद करी दिती गेई ऐ। बरखा दे लगातार जारी रौहने कारण स्थिति होर मती खराब होई गेई कीजे प्हाडिं परा होर मलबा ते कुप्पड पौना शुरू होई गे जेदे कारण रस्ते परा मलबा हटाने दे कम्मै च मती दिक्कत औन लगी अजे कि केई बड्डियां मशीनां ते अमला कम्मै पर लगगे दा ऐ। इस बारै ताजा जानकारी देआ रदे न स्हाडे रामबन दे जिला संवाददाता।

ट्रैफिक पुलसै चेतावनी जारी कीती ऐ जे सडकै दी हालत ते खराब मौसम गी ध्याडै च रखदे होई जरनैली सडकै पर सफर नेई करना।

<><><><><><>